



TOSHKENT VILOYATI OHANGARON TUMANI HOKIMI FARMOYISHI

2022 - yil 22 - aprel

116-10-134-F/22

Ohangaron tuman hokimligi

“Obod qishloq” va “Obod mahalla” dasturlari doirasida qurilish va ta’mirlash ishlari olib borilishi munosabati bilan tumandagi 29, 30 va 50-umumta’lim o’rta maktablarini faoliyatini vaqtincha to’xtatish to’g’risida

O‘zbekiston Respublikasi Prezidentining 2022-2026 yillarda “Obod qishloq” va “Obod mahalla” dasturini amalga oshirish chora-tadbirlari to’g’risidagi 2022-yil 18-martdagi PQ-172-son qarori ijrosini ta’minlash maqsadida Ohangaron tuman xalq ta’limi bo’limining 2022-yil 18-apreldagi 01/4-175-sonli xatiga asosan, tumandagi 29, 30 va 50-umumta’lim o’rta maktablarida 2022-yilda “Obod qishloq” dasturi asosida qurilish-ta’mirlash ishlari olib borilishi munosabati bilan ushbu maktablarda qurilish-ta’mirlash ishlari boshlangan kundan faoliyatini to’xtatish maqsadida:

1. Tumandagi 29, 30 va 50-umumta’lim o’rta maktablarida 2022-yilda “Obod qishloq” dasturi asosida qurilish-ta’mirlash ishlari olib borilishi munosabati bilan ushbu maktablarda qurilish-ta’mirlash ishlari boshlangan kundan faoliyati to’xtatilsin va qurilish ishlari yakuniga yetkazilgandan so’ng o’z faoliyatini boshlashga ruxsat berilsin.

2. Tuman hokimining o’rinbosari M.Tashbayev, tuman xalq ta’limi bo’limi (B.Turg’unov) faoliyati to’xtatilgan umumta’lim maktablarida ta’lim jarayonini vaqtincha noodatiy tarzda tashkil etish, ya’ni, aholi xonadonalarida (xonadon egalarining roziligi asosida) tashkil etish choralarini ko’rsin.

3. Tuman xalq ta'limi bo'limi (B.Turg'unov), tuman aholi bandligiga ko'maklashish markazi (A.Uralov) bilan birgalikda O'zbekiston Respublikasi Mehnat kodeksining 159-moddasi bo'yicha tashkilot xodimlarining o'rtacha ish haqi saqlanishi va o'rnatilgan tartibda tashkilot xodimlarini ish bilan ta'minlash choralarini ko'rsin.

4. Mazkur farmoyish ijrosini nazorat qilish tuman hokimining o'rinbosari M.Tashbayev zimmasiga yuklansin.

Tuman hokimi



A. Абдуллаев